

Сайёр қабулда кўтарилган яна бир муаммо ижобий ҳал этилди

Ўзбекистон тумани ҳокими, 1-сектор раҳбари Қахрамонжон Джураев ўтган ҳафтада "Қайқубод" маҳалласида сайёр қабул [ўтказган эди](#).

Қабулда иштирок этган фуқаролар томонидан билдирилган ҳар бир мурожаат назоратга олиниб, уларни ижобий ҳал этиш юзасидан зарурий чоралар белгиланганлиги ҳақида ҳам маълум қилган эдик.



Хусусан мазкур қабулда маҳалла аҳли ҳудуддаги носоз ҳолга келган ичимлик суви насосини таъмирлашда амалий ёрдам сўраб мурожаат қилишган.

Бу борада “Фарғона сув таъминоти” МЧЖ Ўзбекистон тумани бўлими томонидан зарурий чоралар кўрилиб, таъмирга муҳтож сув насоси ўрнига ЭУВ 8-25-10 русумидаги янги насос олиб келиб ўрнатилди ва ишга туширилди.



Натижада, айнан шу насос хизмат қиладиган 337 та хонадонда истиқомат қилувчи 1850 нафардан ортиқ аҳолининг тоза ичимлик сувига бўлган эҳтиёжи қондирилди.

Ўзбекистон тумани ҳокимлиги Ахборот хизмати

2020-12-24 22:41:33